

TE KURA KAUPAPA MĀORI O WAIRARAPA

TE PŪTĀTARA



MŌHENI #13 WIKI 11, WĀHANGA 1 2022

TĒNĀ KOUTOU E TE WHĀNAU

Nau mai ki to tātou mōheni tuarua mō te wāhanga nei.
Kaua e wareware ki te titiro ki te whārangi pukamatā hoki
mō ngā pānui o ia rā, ia wiki anō hoki.

pg.3

HE KŌRERO NĀ TE TUMUAKI

pg.4

TE AHO MATUA

pg.5

HE MAIMAI AROHA

pg.6

HE PĀNUI

pg.7

NGĀ UARATANGA

pg.7-9

NGĀ AKOMANGA:

KURA NOHINOHI

7

KURA TEINA

8

KURA WAENGA

9

WHAREKURA

10

pg.11-12

HĀKINAKINA

pg.13

TUTAKI KAIAKO



HE KŌRERO NĀ TE TUMUAKI

Tēnā tātou e te whānau. He nui ngā mihi ka rere kau atu ki a koutou e kaha nei ki te tautoko i a tātou nei tamariki. Kua pōwhiri atu a Raumati, ā, kua pōwhiri mai a Ngahuru. Kua tata mutu te wāhanga tuatahi, ā, hei a te kotahi wiki ka hararei a tātou tamariki.

Kei te tipu haere tā tātou maara kai - ko te manako nui ia ka hauhake mai ētahi o ngā huawhenua hei a te wāhanga tuarua, ā, ka whai wāhi ai a tātou tamariki ki te tunu kai, ki te tohatoha anō i ngā huanga o te maara ki waenganui i te whānau.

Our garden is growing and we are hoping that next term we will have kai to harvest that tamariki can use for cooking. Likewise, that excess veges can be shared with the whanau.

He nui tonu ngā kaupapa ki mua i a tātou, kāore e roa ka tīmata mai tā tātou waihanga, tā tātou whakarite i tētahi ara paihikara ki te whīra. Kua hokona he pouaka rahi rawa kia pupuri i ngā paihikara, ā, kia mutu mai te mahi ki te whakarite i te ara paihikara ka hokona ētahi paihikara kia noho mai ki te kura, he mea eke mā a tātou tamariki i te wā tīna.

Work will soon begin on a bike track around the field. A shipping container has been purchased to store 'kura' bikes for use on the bike track at lunch times.

Kāore e roa hoki ka tīmata mai te mahi ki te whakahou i te tuanui o Kahurangi, he mahi ki te whakahou i ngā papa hiko o te kura, ā, ki te whakahou hoki i ngā ngongo para o te kura kia kore ai te para e pangu haere ki ngā ngongo ia rua marama.

Work is also due to begin shortly on replacing the roof of Kahurangi, renewing our electrical systems and also replacing our sewerage pump which will hopefully stop this from backing up on a regular basis.

Kua tīmata anō hoki ngā wānanga maramataka ki te taha o Taahia Castorina - ka whakahaeretia ēnei wānanga mō te roanga o tēnei tau - ka whā ngā wānanga i ia wāhanga me te manako nui ia ka whai hua ki a tātou i roto i ngā mahi o ia rā.

Our wānanga sessions with Taahia Castorina have begun - these will run all year with four wānanga being run each term. The goal is that we will all soon be integrating what we learn into our everyday practice.

Nāku iti nei

Whaea Pip

Te Aho Matua

Toku reo, toku ohooho

Toku reo, toku mapihi maurea

Toku reo, toku whakakai marihi

Te Reo 2.1

He tapu nga reo katoa. No reira me whai koha te hunga o ngā Kura Kaupapa Māori ki ngā reo katoa.



"Ruia te taitea, Kohia te rangiura"

He Maimai Aroha



Taku manawa e kakapa nei
Taku manawa e kakapa ana ki te rā,
ki te marama, ki te whetū ka tau ki te rua.
Kātahi au ka kite i te hē, kātahi au ka kite i te mate, ki taku tau kahurangi ka
riro kei tua kei Paerau kei te huinga o te kahurangi, Auē, taukuri, e!

"He kura tangihia. He maimai aroha."

Kei te hoa, kei te karanga tuakana, kei te pāpā, otirā, kei te hākoroua, e Roland.
Ko te ngākau tēnei ka tangi, ka auhi i te rironga ū ki tua o te ārai. Ka pā te
rongo kua hinga rā koe, ko hirikapo e kāewaewa nei ki tua o mahara, ki te wā i
noho tahī ai koe ki a mātou, ki Te Kura Kaupapa Māori o Wairarapa. Ka nui te
matapōrehu, ka nui te pōuri i tēnei hinganga nui i roto i tō tātou kura.

Kei te whānau whānui, otirā, kei te whare mate, ko matihere, ko aroha mau roa
e hou atu nei ki tō koutou whare, ki tō koutou whānau. Kia tau ngā
makurutanga a te wāhi ngaro ki runga ki a koutou. E kore koutou e tawhiti i te
pae o hirikapo. Haere rā, e te pāpā, whanatū atu rā.

PĀNUI

WINTER UNIFORM



Term 2 is WINTER uniform
please contact the tari if you
have questions about
uniform.

DATES:

*Nau mai, Haere ki te
Hui whakangahau*

Wednesday 13th April
2pm
Kahurangi

**Last day of
Kura – Term 1**

**3PM, WEDNESDAY 13TH
APRIL 2022**

**THURSDAY 15TH APRIL
TEACHER ONLY DAY**

ON AIR

Hook up to our
frequency e te
whānau!

KURA 107 FM

Online -

[https://www.radioking.com/
radio/kura-fm](https://www.radioking.com/radio/kura-fm)

**MASTERTON
SHUTTLES**
027 961 3973
06 377 1923

RUIA TE TAITEA, KOHIA TE RANGIURA



KURA NOHINOHI



TE IRA TANGATA: AHAKOA
HE ITI, HE ITI MĀPIHI
POUNAMU



NGĀ MIHI MAHANA O TE
WĀ KI A TĀTOU KATOA
I TĒNEI WĀHANGA, KUA
KAHA WHAI
MĀTAURANGA NGĀ
ĀKONGA KI KURA
NOHINOHI MŌ TE
PĀNGARAU, PĀNUI,
TUHITUHI ME NGĀ
ĀHUATANGA KATOA O TŌ
TĀTOU AO MĀORI. MĀ TE
TĀKARO, MĀ TE MAHITAHİ
KI NGĀ KAIAKO ME TE
PAKIREHUA - KEI TE KITE
PAI I NGĀ HUA O TE
PUKUMAHI.



Nā Whaea Te Arani rāua ko Whaea Tahī

KURA TEINA

Te Aho Matua 1.7:

He tapu te tinana o te tangata. No reira he mahi nui tera, ko te whakaako i te tamaiti ki ngä ahuatanga whakapakari i tona tinana, kia tupu ai tona hauora. Kia mohio te hunga tamariki ki ngä kai pai, ki ngä kai kino. Kia mohio hoki ki te painga o te korikori tinana, o te mirimiri tinana, o ngä rongoa a Tane Whakapiripiri. Kia kaua ia e tukino i tona tinana i te tinana hoki o tetahi atu.


Me whakaaro hoki mātou mō te hunga e noho haumaru ana ki o rātou kainga i tēnei wā.

Ngā manaakitanga o te atua ki a koutou katoa

Heoi anō, ahakoa ngā piki me ngā heke kei te haere tonu ngā mahi o te kura. Maha rawa atu ngā mahi o te akomanga o Kura Teina. Te mahi pāngarau, te mahi pānui me te tuhi me te mahi toi hoki. Nau mai hoki mai ki te hunga kua hoki mai ki te kura. Miharo rawa te kite atu i koutou kanohi anō.

Mō te pāngarau kua aro atu mātou ki te maha o ngā rōpu tekau o roto i tētahi tau matirua me te matitoru. Hei tauira; e hia ngā rōpu 10 o roto i te tau 76, e hia ngā rōpu 10 o roto i te 176 . Mō te pānui me te tuhi, kei te ako ngā tamariki ki te whakahua i ngā orokati me ngā oropuāre. Ki te tuhi hoki i ngā kupu e tīmata ana i te pū o te wiki. Kei te ako hoki ngā tamariki mā te pikitia hei tautoko i ōna tuhinga. Pohokereru ana ēnei kaiako i o koutou mahi katoa.

Nā te akomanga o Kura Teina



KURA WAENGA

Whatungarongaro te tangata toitu te whenua
As man disappears from sight, the land remains

Tena koutou e te whanau

I ngā wiki kua pahure i aro tonu mātou ki ngā kōrero e pā ana ki te taenga mai o Kupe me te wheke a Muturangi ki Aotearoa nei. E ai ki ngā kōrero i terenga mai o te wheke te Moana-nui-a-Kiwa i huna ia ki roto i te ana ki raro i te whare rama o Rangiwakaoma. Ngana ana ngā tamariki ki te whakaoti mahi e pā ana ki ngā kōrero o Kupe me te wheke a Muturangi. Pukumahi ana rātou ki te hanga ana, hanga wheke hoki. Mīharo ana ngā mahi toi. Hei tēnei Rāpare, kei te haere a Kura Waenga ki Ngāwi ki te titiro ki te wāhi i tau ai a Kupe. I konei ka whakaatuhia ki ngā tamariki te rā o te waka o Kupe. I tērā wiki, i aro mātou ki ngā āhuatanga noho a te Māori i mua i te taenga mai a te Tauiwi. Maha ngā whakaaro i puta mai i ngā mahi ohia manomano mō te noho a te Māori i ngā rā o mua pēnei i o rātou momo whare, a rātou kai, tō rātou reo rangatira, o rātou kākahu me ētahi atu. Mīharo rawa te whakarongo ki o rātou whakaaro.



WHAREKURA

TE ARAPAHŌ



**Ko Te Āho Matua te tāhuhu o tōku kura
Ko ngā tikanga ngā heke
Ko te whānau ngā poupou**

Te Tino Uaratanga 6.1

**Kia mau, kia noho whakaaraara, noho koi
te hinengaro o te tamaiti ki ngā matau
katoa hei arahi i a ia i roto i te ao hou.**

I te Rāhina te 14 o Poututangi 2022, I whakatūwhera ai mātou i te reo irirangi Māori tuatahi mai ki te Wairarapa, e kīia nei ko “KURA FM, te reo o te Wairarapa.”

I takahia te whare akomanga o Tirohanga e te katoa o ngā ākonga me ngā kaiako o te kura nei, hei whakatau i te mauri o te kura ki runga i tēnei akomanga, ki runga hoki i te iarere kua tipakongia arā, ko 107 fm ki runga i te iarere.

Kei runga hoki te reo irirangi nei i te ipurangi radioking.com/radio/kura-fm.

Nā reira, ahakoa ki hea koe i tēnei ao, īna he hononga ipurangi wīwhī tā tērā wāhi, ka taea e koe te hono mai, ahakoa ki Haina ahakoa, ki Amerika, ahakoa ki Aotearoa nei, ka taea e koe te hono mai me te whakatau i tāu ake wairua i ngā reo ngāwari, ngā reo pahū me ngā reo pūrotu o tō tātou ake reo irirangi.

Ngā pou

“Ko ngā āhuatanga ako he mea whakaako i runga i te kōanga ngākau me te whakaihiihi hinengaro.”

Nau mai e te tī, e te tā ki ngā ringa rehe, ki te ringa tōhou nui o Te Wharekura o Wairarapa i waimaria ki te whai wāhi atu ki tētahi kaupapa nui whakaharahara, arā, ko te whakahoahoa i ngā pou whakarāwai o tētahi piriti ka tū ki te au o Waipoua.

He mea mahi tahi nā Matua Mei rātou ko Kawana Ronganui rāua ko Hinewhakaruhiakiterangi Manaena ki te taha o Samuel Te Tau i roto i ngā marama kua taha. Ko te kaupapa nui o ngā whakahoahoa he whakatairanga, otirā, he whakakaurera i te mana o Wairarapa, otirā, i ngā kōrero o tō tātou kāinga, o te Wairarapa.

Ka nui te mīharo, ka nui te whanaketanga, ka nui te tūrangahakoa, ka nui rā hoki te mihi ki ō tātou tauira wharekura e puta nei i ō rāua rua ki te kerikeri i ngā hua kei te ao i waho atu i tō tātou kura. Ka nui hoki te whakamiha ki a Matua Sam Te Tau i te māngari nui.

Hei tēnei tau hoki kitea ai ngā hua o ēnei tauira, nō reira, kia mau tonu mai!



TKKMOW HĀKINAKINA

**Te Kura Kaupapa Māori o Wairarapa
Kura Tuatahi Tau 1-8**

Mauriora e te whānau whānui o Te Wairarapa.

Nei rā ngā mihi ki te hunga kaitakaro o ngā tau 1 ki te 4. Kātahi anō te wāhanga poitarawhiti kua oti mō ēnei reanga. E tika ana ki a rere ngā mihi ki a whaea Shangaia Rimene-Walker rātou ko whaea Takiika Tuapiki me whaea Iona Pohatu mō o rātou awhina me te tautoko i ngā tīma poitarawhiti.

Ōtira ki a koutou ngā matua e kaha kawea atu ana i o koutou tamariki ki ngā kēmu i a te wiki, i a te wiki. Mihinui ki a koutou katoa.



Hākinakina Wharekura

Pā-Whutupōro



Poirewa



Poitūkohu

Jutaki HONE VELLA

TE KAIAKO...



**Ko Taranaki te maunga
Ko Aotea te waka
Ko Kapuni te awa
Ko Waiokura te marae
Ko Paraukau te whare tipuna
Ko Ngāti Tū te hapū
Ko Ngāruahine te iwi**

Tēnā koutou e te whānau.

Ki te taha o tōku Māmā ko Ngāruahine, ko Te Atiawa, ko Ngāti Kahungunu ki te Wairoa, ko Ngāti Porou ngā iwi. Ki te taha o tōku pāpā ko Ngāti Tarara me Airani ngā iwi. Ko Cath Hunia tōku hoa rangatira, e toru a māua tamariki, ko Maddison rātou ko Ava, ko Paora te pōtiki.

Kua whakaako au ki te Wharekura mō ngā tau e 6. Ko taku waimaria te noho tahi ki ngā tauira ako ngātahi ai. E whakaako ana ahau i ngā kaupapa ncea. Ko te hākinakina tētahi o aku tino hākinakina. Kei te tākaro whutupōro au mō Taratahi, e hoe waka ama ana au ki te karapu o Wairarapa. Kei te tākaro hoki i te poitūkohu me te pā whutupōro ki te tīma 'Te whānau o te wharekura'.